

Kreis Steinfurt

S 253

1205.

[11 253]

Bischof Dietrich (!) von Münster befundet die von der Gräfin Alveradis von Bentheim mit Einwilligung ihres Gemahls Otto an das Kloster Vietmarischen gemachte Schenkung des Erbes Rehling in Mittelohne, Kippl. Schepßdorf, Kr. Lingen.

In nomine sancte et individue Trinitatis. Ego Th(eodericus), Dei gratia Monasteriensis episcopus, omnibus Christi fidelibus presens scriptum inspecturis in Domino salutem. Que sunt in tempore, ne labantur cum lapsu temporis, scripto solent perhennari. Universitati vestre significamus, qualiter venerabilis comitissa Alveradis de Benethem consensu mariti sui domini Ottonis nobili (!) comitis et omnibus coheredibus suis consentientibus domum eius propriam in Medelon, quam quidam Brotherus nomine vivens possederat, que solvit xvi solidos Monasteriensis monete, omnipotenti Deo et pie Genitrici sue in Sanctemarierothe pro remedio anime sue liberam et absolutam ab omni exactione et servitio domini comitis de Benethem perpetualiter contulit tali conditione, quatinus dimidieta predictorum denariorum in die anniversarii sui cedat ad karitatem fratrum et sororum ibidem Deo servientium, reliqua pars pelliciis dominarum. Et ne ullus heredum vel successorum suorum sive magister predicti monasterii sive priorissa audeat hanc donationem infringere predictamque domum a prenominato monasterio abalienare, sub pena excommunicationis firmiter inhibemus. Hanc igitur donationem et ordinationem tam sollempniter coram multis honestis viris celebratam auctoritate domini pape et beatorum apostolorum Petri et Pauli necnon et nostra scriptis et testibus firmiter confirmamus, ut reus sit in Deum et piam eius Genitricem et perpetue excommunicationis incurrat dampnum, qui predictum monasterium de sepedicta domo auxilio vel consilio turbaverit. Ut autem hec omnia rata et inconclusa permaneant, presentem paginam sigilli nostri impressione fecimus insigniri firmissime precipientes, quatinus ordine predicto omnia illesa conserventur. Actum verbi incarnati anno Mmo. ccmo. vto. coram testibus subscriptis: magistro Thoma capellano ipsius comitisse, Rutgero et Bertrammo sacerdotibus in Schuttorp; Sigero dapifero, Rulando pincerna, Adholfo de Westorp, Bernero de Boninge, Fritherico de Engen et aliis quam pluribus.

Pergament-Urkunde in kleinem Format mit kleiner Schrift des 13. Jhdts., ohne Siegel, mit blauweißer Hausschur in dem Siegelschlüsse; wohl alte Kopie mit Fehlern in dem Namen des Bischofs. — Graf Otto IV. von Bentheim lebte noch 1207; er war erst mit einer Tochter des Grafen Heinrich von Arnsberg, dann mit einer Tochter eines Grafen von Cappenberg vermählt; der Vorname seiner (zweiten) Gemahlin war bisher nicht bekannt. — Rückschrift: 1. des 15. Jhdts.: Toe Loen Rehling xvi 3; 2. des 16. Jhdts.: Relind 16 3. IX. Rep. I. 28.